

福建鄉試錄

恩科

乾隆三十五年



福建鄉試錄序

皇上御宇之三十有五年

聖壽六旬明年

聖母皇太后八旬萬壽蕃釐康樂天下大和

特旨開春秋試先試典試諸臣於

正大光明殿錄取

引見備用閏五月禮臣以福建省考官請荷蒙

恩命命臣朱筠偕戶部主事臣范梈往典試事臣自

通籍以來選入詞館三與

御試由贊善

擢授學士復

命協辦內閣批本事務分校順天鄉試者一與禮闈



者再衡文之

命稠疊頻加茲復寵膺斯

旨益懼不勝滌慮束裝星馳閩省監臨則巡撫 鍾

音提調則布政司 張鎮鹽運使 奇寵格內監試則

則按察司 邵武府同知 黃寬既肅既清內外祗恪乃進

學政 阿肅所錄士七千餘人鍵闈畢試 筠

與 范棫謹率同考知縣 陳銓 周輔 劉

席豫 任本仁 解文燧 譚垣 陸惇宗

戴洪恩 王如濤 彭永和 沈之本 郁正

校閱再三拔士如額恭繕試錄進呈

御覽例得颺言簡端竊惟尚書敷奏以言非徒以其

言而已將以觀其人而明試以庸之也然即其

言而觀之必也本之經以槩其實通之史以達

其用究之辨說以窺其性術徵之聲韻以驗其

才華博之名物象數以極其根柢夫然後一稟

我

皇上清真雅正之訓而斟酌之於是全材出而成器

收然臣未敢以為必得士如此也是以於首場

之卷既詳核其是非矣而於二場之詩三場之

策尤盡心焉其於同考諸臣之所閱薦者既分

別以棄取之矣而於未薦之七千餘卷皆一一

徧閱詳審恐其佳卷之或有遺者焉凡皆以仰

體我

皇上作人之盛典而小臣幸邀之

寵命回憶風簷寸晷之中所嘗身歷而不敢以輕心

掉之用是兢兢自惕者也維時官斯土者鎮守

福州等處將軍兼管閩海關事務宗室 弘昉

太子太保兵部尚書兼都察院右都御史總督福

建浙江等處地方軍務兼理糧餉鹽課革職留

任 崔應階

乾清門行走提督福建水師等處地方總兵官一

等海澄公 黃仕簡提督福建陸路等處地方

總兵官 甘國寶鎮守福州等處左翼副都統

兼二等男世管佐領 白忠鎮守福州等處右

翼副都統兼雲騎尉 達色鎮守福建海壇等

處總兵官 林中岳護理鎮守福建金門等處

總兵官事水師提標中軍叅將 朱承祚鎮守

福建漳州等處總兵官 何思和鎮守福建建

寧等處總兵官 依昌阿署理福建汀州等處

總兵官事興化城守副將 訥爾吉鎮守閩粵

南澳等處總兵官 林國彩鎮守福建福寧等

處總兵官 官德滋鎮守福建臺灣等處總兵

官 章紳福建分巡興泉永等處海防兵備道

兼管水利事務 王綬福建分巡汀漳龍等處

兵備道 楊開鼎福建分巡延建邵等處地方

道 楊仲興協鎮福州城守副將 招那蘇圖

例得備書

翰林院侍讀學士協辦內閣批本事務 朱筠
謹序

乾隆三十五年庚寅

恩科福建鄉試

監臨官

署理福建巡撫印務世襲一等輕車都尉

鐘音

滿洲鑲藍旗人
丙辰進士

提調官

福建等處承宣布政使司布政使

錢琦

浙江仁和县人
丁巳進士

福建糧驛道分巡福州福寧等處地方兼管水利

達明

滿洲正紅旗人
生員

監試官

福建等處提刑按察使司按察使

張鎮

山東海豐縣人
監生

福建等處都轉鹽運使司鹽法道

奇寵格

滿洲鑲白旗人
丙午舉人

內簾監試官

邵武

府

同

知

黃寬

壬戌進士

江蘇武進縣人

考試官

翰林院侍讀學士協辦內閣批本事務

朱筠

順天大興縣人

戶部陝西清吏司主事

范忭

浙江錢塘縣人

同考試官

福州府福清縣知縣

陳銓

江蘇長洲縣人

福州府連江縣知縣

周輔

安徽貴池縣人

福州府羅源縣知縣

劉席豫

山東掖縣人

興化府仙遊縣知縣

任本仁

江蘇華亭縣人

漳州府海澄縣知縣

解文燧

江西永豐縣人

漳州府南靖縣知縣

譚垣

江西龍南縣人

漳州府平和縣知縣

陸惇宗

江蘇婁縣人

延平府沙縣知縣

戴洪恩

湖南武陵縣人

延平府永安縣知縣

王如濤

四川長壽縣人

建寧府甌寧縣知縣

彭永和

江西高安縣人

邵武府邵武縣知縣

沈之本

江蘇高郵州人

汀州府歸化縣知縣

郁正

江蘇婁縣人

內簾收掌官

建寧府松溪縣知縣

丁王士

江蘇無錫縣人

印卷官

署福建等處承宣布政使司經歷司事照磨

耿允諒

山西絳州人

署福建等處提刑按察使司經歷司事改教試用縣

唐材

廣東南海縣人

外收掌官

署福建等處提刑按察使司經歷司事改教試用縣

唐材

廣東南海縣人

受卷官

延平府順昌縣知縣高迥陝西武功縣人

延平府將樂縣知縣胡志潔湖北漢陽縣人

邵武府泰寧縣知縣施文燾江蘇元和縣人

福寧府寧德縣周墩縣丞李依廣西安平州人

彌封官

護漳州府南勝同知事試用知縣劉若鵬河南善化縣人

試用知縣冷震金江蘇上元縣人

膳錄官

署福州府屏南縣事試用知縣劉廷翰廣西臨桂縣人

龍巖州同王椿廣東興寧縣人

洪白團大使陳科鐸廣西鬱林州人

對讀官

署龍巖州漳平縣知縣陳天與廣東東莞縣人

福州府閩縣南臺倉大使黃最四川漢州人

漳州府海澄縣縣丞王士元陝西三原縣人

掌號舍小印官

福建等處都轉鹽運使司鹽法道庫大使周垌浙江會稽縣人

內場東西文場稽查彈壓官

督標中營都司魏世璉湖南武陵縣人

督標左營守備元九功山東平陰縣人

內場東西文場巡綽官

福州府福清縣江陰巡檢司巡檢程文起順天宛平縣人

署泉州府晉江縣雒陽巡檢司巡檢程鏜順天宛平縣人

延平府尤溪縣高才坂巡檢司巡檢蕭見龍廣東四會縣人

延平府永安縣安砂鎮巡檢司巡檢

費廷圭

江蘇溧陽縣人
監生

建寧府建陽縣南槎巡檢司巡檢

劉景曙

江西新淦縣人
監生

邵武府邵武縣孛口巡檢司巡檢

金柱

河南固始縣人
監生

福寧府福安縣激按巡檢司巡檢

單澹

浙江蕭山縣人
監生

署龍巖州鴈石巡檢司巡檢

朱廷偉

浙江山陰縣人
吏員

把守各所門官

興化府莆田縣迎仙巡檢司巡檢

史士鑽

江南金壇縣人
供事

漳州府龍溪縣江東巡檢司巡檢

徐蘭

浙江海鹽縣人
附生

延平府將樂縣萬安寨巡檢司巡檢

周應超

浙江山陰縣人
監生

邵武府邵武縣水口寨巡檢司巡檢

楊日楷

江南丹陽縣人
典吏

內場四角樓瞭望官

延平府沙縣北鄉寨巡檢司巡檢

黃輝錦

江西上高縣人
監生

建寧府政和縣赤巖巡檢司巡檢

吳士昂

江南歙縣人
監生

督標中營左哨二司外委把總

陳朝興

福建閩縣人
行伍

督標左營右哨頭司外委把總

沈文福

福建閩縣人
行伍

福州城守左軍屏南汛把總

林奇

福建侯官縣人
行伍

福州城守右軍署右哨千總

沙耀宗

福建詔安縣人
行伍

把守內簾門官

興化府仙遊縣楓亭巡檢司巡檢

徐士魁

直隸遷安縣人
典吏

撫標左營左哨頭司外委把總

劉大忠

福建侯官縣人
行伍

把守二門官

候

補

縣

丞

吳燮

順天大興縣人
監生

督標右營左哨頭司把總

楊春輝

福建閩縣人
行伍

把守頭門官

汀州府連城縣北圍寨巡檢司巡檢

吳學濤

安徽天長縣人

福州城守右軍左哨千總候掣守備

郭光朝

福建閩縣人

頭門外東西兩路點名官

福建布政使司照磨所照磨

耿允謙

山西絳州人

署漳州府石碼通判

宋學源

鑲紅旗漢軍
丙子舉人

福州府閩縣知縣

孔繼炳

山東曲阜縣人
拔貢

福州府候官縣知縣

張可傳

山西平定州人
庚午舉人

頭門內東西兩路點名官

署福州府知府事理事同知

筠翹

滿州正藍旗人
監生

臺灣府理番同知

李本楠

山東惠民縣人
拔貢

搜檢官

署興化府經歷司事候補縣丞

謝洪光

廣東德慶州人
監生

漳州府海澄縣縣丞

郭愈厚

山西夏縣人
貢生

署泉州府晉江縣鷓鴣巡檢司巡檢

何喬

順天宛平縣人
吏員

福寧府霞浦縣柘洋巡檢司巡檢

張啓進

安徽初門縣人
監生

督標中營左哨千總

揭金棟

福建閩縣人
行伍

督標中營署左哨頭司把總事外委

楊大錦

福建閩縣人
行伍

督標右營右哨千總

王世英

福建龍溪縣人
行伍

福州城守右軍右哨二司把總

陳金

福建侯官縣人
行伍

外場巡緝官

福建布政使司照磨所照磨

耿允謙

山西絳州人
供事

汀州府寧化縣石牛巡檢司巡檢

趙之鎔

浙江會稽縣人
監生

督標中營右哨外委把總

葉永達

福建閩縣人
行伍

督標左營額外外委

吳必捷

福建閩縣人
行伍

外場總巡官

福州

城守

副將

招那藕圖

鑲白旗蒙古人
世襲佐領

住宿貢院門外巡邏稽查官

撫標

中軍參將

七拉克

鑲黃旗蒙古人
廩生

內供給官

福州府

糧

捕通判

郎昭

鑲黃旗漢軍
筆帖式

興化府莆田縣大洋巡檢司巡檢

王坦

浙江會稽縣人
監生

永春州大田縣桃源店巡檢司巡檢

鍾鏗

順天大興縣人
監生

外供給官

護福州府海防同知事閩縣知縣

孔繼炳

山東曲阜縣人
拔貢

署福州府侯官縣竹崎巡檢司巡檢

徐廷錦

江蘇陽湖縣人
監生

福寧府福鼎縣歙城巡檢司巡檢

孫大經

江蘇江寧縣人
監生

第壹場

四書

惡不仁者其為仁矣不使不仁者加乎其身

宗廟之禮所以序昭穆也

又尚論古之人頌其詩讀其書

論

文所以載道也

第貳場

易

大有元亨

日進无疆

生生之謂易

萬物皆致養焉

書

宵中星虛以殷仲秋

德日新萬邦惟懷

斂時五福

其惟克用常人

詩

嘒嘒草蟲趨趨阜螽

如南山之壽

豈弟君子遐不作人

貽我來牟

春秋

夏五 桓公十有四年

盟于甯母 僖公七年

夏叔孫豹如晉 襄公四年

春晉侯使韓起來聘 昭公二年

禮記

乃勸種麥毋或失時

忠信之人可以學禮

善歌者使人繼其聲善教者使人繼其志

持弓矢審固然後可以言中此可以觀德行矣

詩

賦得橘柚垂華實 得知字五言八韻

第叁場

策五道

問經之義如日星之在天孔子脩之後闕復彰漢初魯與河間二王竝有所獻劉氏向歆父子各有所校定能詳言古文與書之所自歆傳經之人如易有施孟梁邱京氏書有歐陽大小夏侯詩有齊魯韓春秋有公穀鄒夾之學往往立於學宮其他傳授若費氏之於易伏生孔安國河內女子之於書毛公之於詩高堂生后蒼二戴博士諸生之於禮張蒼之於春秋左氏傳竇公之於樂顏芝之於孝經能具述其顛末歆易書詩春秋與禮爲五三經三傳三禮爲九益以孝經論語孟子爾雅爲十三唐宋以後注疏尚

焉及前代以制義設科傳說乃著昔賢稱鄭康成氏用功於經最深自唐貞觀中孔穎達奉詔撰五經正義惟取鄭之毛詩禮記其他注或漸亡失後永徽中賈公彥作儀禮周禮義疏竝用鄭氏十三經中鄭注存者僅四而已乃若易與書鄭氏之說散見於諸家疏注所引者往往愈於孔安國王弼二家晉荀崧所云其書根源誠可深惜者可博舉以證所聞歆制義所主咸遵朱子顧其初自四子書詩經而外易之傳與本義竝列春秋用胡氏安國傳竝取左氏公羊穀梁厥後易與春秋始專治朱胡二家之說第本義之指原以復古易也乃始則以義附傳繼復

御纂四經

去傳存義坊本訛失其來有漸學者承之或未安歟胡氏之傳本爲進講而設故於南宋時事動相比附非所用以垂示學宮弟子也三傳先後傳授皆出聖門或當竝采以歸至當歟恭惟

欽定

三禮及十三經注疏竝頒在學宮準中協一諸

生誦習有年矣姑舉一以叩其他如二何范杜趙郭諸家之學與注及蔡氏陳氏之傳與說不勝詳述諸生尚三復焉

問文以載道所以行遠而垂世也東漢始爲駢儷其流迄於唐宋於是復古者出始號散行之體爲古文詞與駢儷別揆厥所由分歟合歟昌

黎韓氏文起八代之衰其所稱述司馬遷相如董仲舒劉向揚雄而外不道也然觀班固陸機習鑿齒嵇康王羲之之文東漢後未嘗無散行者鄒陽枚乘王褒皆西漢人其文未嘗不駢儷也其合與分又可言歟與韓氏同代者其先既有陳子昂李白權德輿李翰之屬其所友復有李觀柳宗元劉禹錫樊紹述崔斯立之倫其從游之士有李翱張籍皇甫湜李漢之徒其後起者又有杜牧之劉蛻獨孤及符載李商隱楊敬之孫樵之類皆相尚爲古文詞能評秩其短長歟在北宋世人稱六家然柳穆蘇尹先於廬陵二劉張黃翼乎蘇氏李邁之經術不減南豐王

回之精能極歎介甫其緒論尚可聞歟南渡以
還文與人重自文公之文竝垂四子而外其能
者若水心龍川之辨論渭南浮溪之紀述益公
鶴山廟堂之訓鄂州臯羽山水之篇遺集具在
可略談歟遼則范陽王氏金則遺山元氏迄乎
有元彬彬斯盛前以子昂鉅夫繼以伯生彥碩
中爲滋溪草廬後有道傳淵穎明之嗣者宋潛
溪之沈博方正學之清剛歸熙甫之醇雅可謂
三傑附之者前則義烏遵巖異之者後則弇州
北地亦健者也能言其相承之緒歟我
朝風尚初開則有壯悔侯氏叔子魏氏鈍翁汪氏
稱三家若乃亭林竹垞根柢深厚西溟望溪文

詞雅馴茲尤卓卓能具述歟欽惟

皇上以天縱之資約聖經之旨
樂善堂集

御製文初集昭示海宇服誦士林所謂兼綜條貫金
聲而玉振之也諸生其各以管窺蠡測之所得
者悉著於篇

問制器尚象察民易書而有圖之學有書之學
皆古小學之支流也然六書可以通經列圖可
以佐史鄴侯獨收圖合尉氏試諷籀書漢初猶
有三古之遺意歟厥後文翁蜀中講堂有繪像
蔡邕鴻都太學有石經五鳳之字變篆武承之
石具圖而兩漢鼎彝碑版照耀後代圖書之學

於是粲著於金石之文其流傳之跡可得考歟
或謂許慎說文虞荔鼎錄各有專書而金石之
家意在同其制度得其形體其如古人如相質
對固爲圖學與書學之尤切要者然歟自金石
之學興其別亦有二一爲圖學因器考名其繪
畫足以辨衣服其尺寸可以正律度其陳列可
以度宮室其義例可以思箴銘則圖學或有近
於經一爲書學因藝徵事其表牋或與章奏合
其碑誌或與紀傳殊其歷官或與其人相核其
存地或與其世相稽則書學或有近於史能指
其一二以相質辨歟圖學之書存者若聶氏崇
義之三禮圖陳氏祥道之禮書圖呂氏大臨之

考古圖黃氏長睿所校之宣和博古圖劉氏績
之三禮圖楊氏復之儀禮圖皆圖學也歐陽氏
脩之集古錄趙氏明誠之金石錄洪氏适之隸
釋隸續都氏穆之金薤琳瑯趙氏峒之石墨鐫
華顧氏炎武之金石文字記朱氏彝尊之吉金
貞石志皆書學也能略言其是非得失歟
皇上璇題幾暇稽古考文

特命儒臣作

皇朝禮器圖以垂制度復脩西清古鑑一書及刻三
希堂法書重刻淳化閣帖用嘉藝林昭盛事也
諸生沐浴膏澤游藝久矣其尚思所以廣武夷
靈仙之圖烏石陽冰之篆者以對

問士爲四民之首周禮三物旣重賓與管子四鄉亦言成教然則士習不端則民志不一歟閩俗士端而民或稍悍濱海之區島居而潮集其風稍悍或有然也而士習之所以端者越自唐刺史常袞舉士歐陽詹以勸學始然猶未也兩宋遞盛大儒挺生而建水之陽比於鄒魯其積之又久也蔡氏之九儒繼起於一家金華四先生之傳紹承於奕世其門之弟子鄉之人聞風而奮發者往往自嶺以南故至於今其風猶烈諸生操其土音而不忘其先哲能爲舉師友淵源之所自與夫名字里籍之所詳翫縷而長言之歟

國家丕冒率俾仁浹義摩涵濡百有餘年之久閩中名賢輩出若安溪之李氏漳浦之蔡氏經術事功具有授受閩士之脩於家以達於用者當人人然也古有居一鄉而鄉之人薰其德而善良者數千人則夫獨善其身而或未能盡其鄉之稍悍者而化去之或亦士之責歟其習之久而或未易革歟煌煌

聖訓所以訓迪斯民者詳矣封疆大吏所以整率其屬風勵而澤被之者必旣盡矣夫士自重則民知愛身士竭事則民知尊上士相習以揖讓而民不虢士相明以禁令而民不悞鄉有一士而鄉之人從而化之鄉之左右之人從而化之民

之風不能無責於士之習也夫安其鄉者不遷
其物習其土者能知其人其所以優柔而齊一
之者當亦有漸果何道以致之歟諸生生長
堯舜之世其率先海隅蒼生以俯仰光天之下尚敷

乃言以審厥志

閩福建之地值牛女之分稽諸禹貢當屬揚州
載在職方則爲七閩春秋以還始入於越其托
始可言歟秦平百越置閩中郡漢初封無諸爲
王元封後復定之以隸南部都尉孫吳始置建
安晉又分置晉安屬揚州後隸江州梁改屬東
揚州陳增置閩州至隋仍屬揚部六朝分合沿
革之詳可具考歟唐初屬江南道後分隸江南

東道唐末爲王氏所據旋入南唐吳越宋置福
建路始有福建之名元爲福建行中書省明爲
福建等處承宣布政使司我

朝因之臺灣以外盡入版圖自海不冒其建置所
由可悉歟閩地東南據海西抵廣粵北距嶺嵩
其重險則有仙霞杉關東南一都會也說者謂
溫處衢信閩之北藩建昌南贛閩之右臂惠潮
閩之西門大海閩之東戶其形勢阨隘可略聞
歟山川之勝靈秀翕聚志乘所紀照曜古今若
乃名山所在武夷則見於漢志梁山或附於爾
雅大姥後著圖祀開元其尤顯也建江之名雖
有建溪劍江西江之殊而其實則一其合流雖

有崇溪松溪東溪西溪樵溪將溪尤溪之異而其歸則同其灘號稱三百其汛連亘三郡皆必當知也能備陳之歟昔漢朱翁子稱東越王居保泉山顏師古云卽今泉州之山或謂今福州泉州竝有泉山不若近閩之大竿嶺地險可保爲古泉山其信然歟淮南王稱入越地輿轎而踰領花舟而入水瓚曰輿轎今竹輿車也師古曰花曳也至今風俗儼然猶昔其地利有不可易者歟志閩者越絕之書兩粵之傳昉已嗣是宋之樂史太平寰宇記王象之輿地記明之曹學佺名勝志於閩蹟較詳顧未見有網羅考訂卓然成一家言者其當何所援據以發凡起例歟夫地里爲學古之實而風土必咨諸其人方今

詔旨特開一統志館編摩旣集福建一省爲東南之要區諸生其罄所聞見備述之以當採風之助焉

中式舉人八十五名

第一名鍾大受

上杭縣學附學生

易

第二名黃啓駿

泉州府副榜貢生

詩

第三名張道纘

侯官縣學增廣生

書

第四名張明三

侯官縣副榜貢生

春秋

第五名林必遇

長樂縣恩貢生

禮記

第六名蔡元寬

漳浦縣歲貢生

易

第七名陳蘭

長汀縣學附學生

詩

第八名黃得清

南安縣學附學生

詩

第九名袁致密

崇安縣學

書

第十名洪近光

南安縣學

詩

第十一名熊江潤	永定縣副榜貢生	詩
第十二名陳振彩	晉江縣學附學生	詩
第十三名鄭鳴岡	永春州學附學生	易
第十四名劉瑞紫	安溪縣學	詩
第十五名鄧伯葵	上杭縣學	易
第十六名蔡萬里	漳浦縣學	書
第十七名林開瓊	福州府學附學生	春秋
第十八名湯維新	清流縣學附學生	書
第十九名陳世隆	汀州府副榜貢生	詩
第二十名鄭命新	永定縣學	易
第二十一名陳春波	福州府學附學生	詩
第二十二名曾崇陽	延平府學	詩

第二十三名陳康	晉江縣學附學生	詩
第二十四名傅待詔	福清縣學	禮記
第二十五名洪世儁	南安縣學附學生	書
第二十六名鄭洛英	閩縣學	易
第二十七名林芳	閩縣學附學生	春秋
第二十八名周夢莊	莆田縣學	詩
第二十九名李雲漢	海澄縣學附學生	易
第三十名盧純璧	順昌縣學	詩
第三十一名陳敬升	永春州學附學生	易
第三十二名黃慶雲	寧德縣學增廣生	詩
第三十三名李威	龍溪縣學	書
第三十四名徐騰雲	德化縣學附學生	詩

第三十五名胡紹嶧

連江縣副榜貢生

禮記

第三十六名陳應龍

連江縣學附學生

詩

第三十七名梁丹元

泉州府學生

易

第三十八名粘憲黎

晉江縣學附學生

易

第三十九名郭仲山

晉江縣學生

詩

第四十名闕恩詔

永定縣副榜貢生

易

第四十一名林其宴

閩縣學生

春秋

第四十二名林世武

閩縣副榜貢生

詩

第四十三名林汝恭

安溪縣學附學生

書

第四十四名張維新

永春州學生

禮記

第四十五名戴文標

長泰縣學附學生

書

第四十六名王爵

惠安縣學生

詩

第四十七名張見

晉江縣學生

詩

第四十八名鄭紹徽

龍溪縣學附學生

詩

第四十九名甯時鈞

邵武府學增廣生

書

第五十名劉永標

長樂縣學生

書

第五十一名王希彥

永定縣貢生

易

第五十二名朱倬紱

平和縣學生

易

第五十三名姚宗元

侯官縣學附學生

詩

第五十四名楊芳春

閩縣學增廣生

春秋

第五十五名楊芳

泉州府學生

易

第五十六名曾韶

光澤縣學生

禮記

第五十七名林揮

龍溪縣學生

易

第五十八名黃利通

邵武縣拔貢生

詩

第五十九名黃元鼎 興化府學附學生 書

第六十名沙雋 邵武縣學生 詩

第六十一名陳光焯 長樂縣學附學生 易

第六十二名傅采疇 汀州府學增廣生 書

第六十三名詹翰 建陽縣學生 書

第六十四名郭石麟 晉江縣學生 易

第六十五名朱聲聞 晉江縣學生 易

第六十六名陳奎元 福安縣學生 詩

第六十七名李基堯 寧德縣學生 禮記

第六十八名吳志綱 連江縣學生 易

第六十九名李苞 晉江縣學附學生 詩

第七十名李法程 福州府學增廣生 春秋

第七十一名謝國治 連城縣學生 書

第七十二名孫鍾源 連江縣學附學生 詩

第七十三名蔡枚升 漳州府副榜貢生 易

第七十四名張源義 臺灣縣學生 詩

第七十五名廖炳 侯官縣學增廣生 書

第七十六名王元熾 永春州學增廣生 易

第七十七名周朝瀛 臺灣縣學附學生 詩

第七十八名丁湘江 晉江縣學附學生 易

第七十九名曹開文 寧化縣學附學生 詩

第八十名潘思雯 泉州府學生 易

第八十一名胡大年 永定縣學附學生 詩

第八十二名林霈 平和縣學訓導 書

第八十三名王光華	永春州學生	詩
第八十四名林光興	福州府拔貢生	易
第八十五名林露濃	永春州學附學生	詩

中式副榜十七名

第一名蔡學鯤	晉江縣學附學生	易
第二名莊拔英	晉江縣學附學生	易
第三名翁鎮	侯官縣學附學生	春秋
第四名林肇灼	福清縣學附學生	詩
第五名李世龍	邵武府學生	春秋
第六名莊化玉	晉江縣學附學生	書
第七名葉筆峰	長泰縣學附學生	書
第八名陳國標	長樂縣學生	書
第九名陳龍章	閩縣學附學生	詩
第十名洪世筠	南安縣學增廣生	詩

第十一名鄭良偁 長樂縣學增廣生 詩

第十二名石跨鼇 同安縣學附學生 書

第十三名朱雲衢 漳平縣學增廣生 詩

第十四名陳松 將樂縣學生 易

第十五名徐昌 德化縣學生 詩

第十六名高騰 光澤縣學附學生 禮記

第十七名楊文嵩 古田縣學附學生 詩

第壹場

四書

惡不仁者其為仁矣不使不仁者加乎其身

鍾大受

同考試官甌寧縣知縣彭永和閱薦

考試官戶部陝西清吏司主事范 棫批 渾融大雅卓然不羣

考試官翰林院侍讀學士協辦內閣批本事務朱 筠批 氣味恬和函蓋一切

推惡不仁之實仁其身以去不仁者也夫不仁可惡以其為身之累也為仁以去不仁斯真惡不仁者乎且夫人有不便於身之故皆思所以避之而欲使吾之全體皆仁者彼非幾之冒貢尤痛絕焉嚴其防以端其向蓋性量務求其純而藐躬不容或累嘗懸此請以望諸天下而一經責

實斯其名無虛副耳然則吾所謂惡不仁者豈徒知惡之而不思所以仁其身哉蓋古人之修身也探討服行以求之藏修游息以養之所以深造乎全體不息之域者甚詳而有法斷不許以一無所爲者憑虛而全所性之真而君子之事仁也戒欺以求其慊制外以養其中所以嚴辨於過欲存理之際者交致以爲功從未聞以猶有所染者錯雜而完一心之粹夫惟仁能勝不仁惡不仁者知仁之大可爲而身之甚足重也則且就其身之所爲而核其惡之所極人情莫不自愛其身則必去其足以害吾身者夫物之足害吾身孰有如不仁乎而莫得其所所以去之道將遠而復近雖隱痛焉無益也惡不仁者爲仁以去之而不使其隱微之滋長則所惡爲已專矣人身莫不各有其仁有

其仁心思除其得間吾仁者夫物之得間吾仁又孰如不仁乎而別尋其所可除之端將拒之復迎卽深嫉焉無裨也惡不仁者卽以仁除之而必使其根株之悉拔則其惡爲已切矣是知人之惡不仁爲猶使加者非真能用惡者也天下之真能用惡者必其爲仁而不使加者也當其始也仁從惡生而其繼也惡從仁生理必原其所自起而後存養之功乃反觀焉而益篤非不仁亦幾忘仁之必爲矣自惡不仁以來而此心之常惺不昧者儼若預懸一罔念作狂之戒以策其克念作聖之機則窮理盡性頃覺因借鑑而愈精所謂仁從惡生者此也情必究其所終極而後嫉邪之意又躬歷焉而加嚴非爲仁亦幾使不仁之少加矣自爲仁而後而非道之痛絕不容者又若親嘗乎樹德

務滋之旨彌堅其去惡務盡之懷則懲創糾虔轉緣修身而倍切所謂惡從仁生者此也世而有此惡不仁者是真能用惡以仁其身者也而無如與好仁者同屬未見何哉宗廟之禮所以序昭穆也

鍾大受

同考試官陝西清吏司主事范枋批

考試官翰林院侍讀學士恠辨內閣批本事務朱筠批

禮有可徵達孝者於序昭穆見之矣蓋宗廟之中禮所從

詞有根柢筆無枝葉典贍博雅舉止大方

出也觀於昭穆之序不已徵武周之達孝哉且王者追王上祀廟制以與凡入廟簪襄皆得以展孝子慈孫之念論謂我周右享各得其情要之倫明而後分定分定而後

情通其合萬國之歡者凡以盡孝而定一家之禮者即可以原義矣試觀武周于宗廟夫宗者何禮有大宗有小宗大宗百世不遷小宗則五世而遷者也廟者何禮王立七廟祖廟一羣廟六祖廟居北面南羣廟則分列左右以次而南者也然已統言之曰宗廟固合祖考廟顯考廟王考廟皇考廟而無乎不在可知也當其有事于宗廟又合祖同宗父同宗子同宗孫同宗而無乎不在更可知也武周曰是不可漫以處此于是有班列之禮焉今夫人道以神道為衡至明即至幽為準列祖雖遠猶可以情通王者隆大典以奉先太祖東嚮有常尊矣乃升而合食則不啻而下居北牖自鞠而下居南牖焉時而禘祀則高圍以降皆南嚮亞圍以降皆北嚮焉萃千萬年之祖德宗功羣受此

仁孝誠敬之報而不虞于渙此禮之在祖考者固顯而可見也族姓綦繁不難以分定王者別宗親為主道阼階之東有定所矣乃畢原鄧郇為武伯仲凡公姓之衍則班前之列焉邗晉應韓為武子行而公族之多則班後之列焉率十五王之雲裔初胄共申此報本追遠之情而不涉于混此禮之在子孫者乃微而堪求也何也所以序昭穆也蓋燕天昌後皆為列考留貽使謂偕文子文孫僅效寢門之朝當不若是之淺而原其意則釐然不混者不啻同姓不與同車合食必兼綴食而父子兄弟咸得瞻拜以抒忱則武周之所以明倫者至矣蓋至世同而議貴弟或有時而長兄世異而議親父必不可以後子此則準乎昭穆而行之者爾螽羽瓜絲悉屬神明遺胄使謂統伯父伯兄僅昭祀典之光又不若是之紊而推其義則秩然在列者不啻尸祖不必尸父抱子不若抱孫而世系天潢皆得循聯以相祀則武周之所以班次者深矣若夫祖而割牲示天子之有父醕而執爵示諸侯之有兄此又別乎宗廟而通之者爾故曰達孝也然而不止此也

又尚論古之人頌其詩讀其書

鍾大受

同考試官甌寧縣知縣彭永和閱薦

考試官戶部陝西清吏司主事范棫批

考試官翰林院侍讀學士協辦內閣批本事務朱筠批

筆致超逸下意躍如

進友善者於古人不以頌讀為已足也蓋古人之善在詩書非尚論焉則其量猶隘也然果以頌讀為已足否耶今

夫人之高自位置輒欲自我作古者雖交滿天下此意已不可於簡篇中對古人矣蓋今之所謂古人卽古之天下士也誠知善量無窮則淡人閒之縞紵以奉先進之衣冠敢曰典籍所傳皆古人陳迹耶友善而至天下何猶以爲未足哉蓋嘗與天下士晨夕晤對語及昔年佔畢涉獵徒事詞章未嘗不悔且恨以爲人生無上下千古之識真空讀古人書也敢以訪名流招之子遂詡詡焉謂先民有作亦不復從遊乎古之人又當進叅一解也想其置身在千載之上跡其所爲而風徽已逸勢不能親承懿旨得周旋於几席之間乃寄懷在百世之前賞厥孤芳而聞風相感直欲以仰止高山叩音響於傳述之際尚而論之彼爲古之善士我何難爲今之古人哉今夫人之生同時

者其親炙最真也而時之相爲後者其傳聞較少也古人之去今不知幾何矣從人往風微之後而事之如新或嘆我生之已晚當音銷響寂之餘而觸之卽動或且恨叅考之無憑我其如古人何哉然而名山廢簡流落人間者蟲鳥異形魯魚訛舛會不知何代之書何人之作而搜奇抉秘之士猶必想像追摹爲之表白况詩書之全盛者乎甚矣其詩其書皆古人之善也頌之讀之卽尚論之資也真意之感人也雖經時數之遙而不容終盡詩書則其全焉者矣然夏鼎商盤固有欽其寶而莫名其器者頌讀如第欽其寶也已薄從前博洽之名前徽之未墜也雖當兵燹之後而確有可尋詩書則其盛焉者也然忠臣孝子恒有循其迹而隱其心者頌讀如徒循其迹也益徵此日見聞

之陋則信乎尚論之不易而頌讀之非偶也論世以知人不知古人之許我否也我不已獲一勝友於鄉國天下之上也哉

論

文所以載道也

李雲漢

同考試官甌寧縣知縣彭永和閱薦

考試官戶部陝西清吏司主事范樾

源流洞徹

考試官翰林院侍讀學士協辦內閣批本事務朱鑑

理明詞茂

今夫文辭之興非偶然也發天地之英華而闡聖賢之蘊奧斯爲有德之言而宇宙間必不可少者苟理詭于聖辭詭于經雖連篇累牘備極富麗大雅弗尚也故文與道合

而文盛文與道分而文衰自古然矣昔哉周子文所以載道之言也請申其說蓋道者文之體文者道之用道不足而強言者徒做精神而無當於實用是以聖人之言皆不得已也如彼耒耜陶冶之器不制則生人之用闕焉聖人之言雖欲已得乎故六經皆載道之書而天下之文莫大於是矣試觀易之道陰陽書之道政事春秋之道名分禮之道行詩之道志直使天理之微人倫之著事物之象鬼神之幽明洞然畢貫於一言而有志之士得以探討服行不失其正何曾如後之華言鮮實誇目尚奢者乎故曰古之文也約而達不其然歟則文之所以歷久而可貴者亦謂其和順積中而英華發外有德者必有言故常垂而不朽逾遠而彌存也苟其扶樹教道有所發明則豈必沾沾

以立言爲心而其理自不可磨滅故聖人之文卽聖人之道也諸子百家擇焉不精語焉不詳必嚴辯而慎取之庶于道無背馳乎三代以下載道之文希矣董子韓子衛道之功卓然而其文猶有未醇則猶未與道一也其足當此者惟有宋大儒之書精密純粹若周子之圖說立象盡意剖析幽微通書推一理二氣五行之分合以紀綱道體之精微決道義文辭利祿之取舍以振起俗學之卑陋體仁孝者莫如張子之西銘發性情者莫如程子之定性明仁體者莫如朱子之仁說蓋孔子不傳之絕學在焉其於道寧有二耶若夫文不衷於道不如無文之爲愈也言爲心聲辭尚體要斯文之可貴者否則虛車之飾庸愈於犬羊之鞞乎哉

第貳場

易

大有元亨

鍾大受

同考試官甌寧縣知縣彭永和閱薦

考試官戶部陝西清吏司主事范斌 摘芳揆藻

考試官翰林院侍讀學士協辦內閣批本事務蔡籙 登徹明暢

以德而成盛治得其治有之道者也夫大有之治盛治也然必盛德而後元亨治有者可不本此乎嘗攷歷代御天下之紀而知大有之盛治不恒有於天下非有之難致也德不足以致有也非有之難保也德不足以保有也甚矣盛治之難以概見也吾茲有得于大有之卦矣彼王者統

大勢而一有不統其勢孤矣伏羲於是卦而以大有名焉
謂其不假威力而會同車書勢一統也此大有之勢也王
者有大化而一有不行其化阻矣文王於是卦而以元亨
繫焉謂其不下堂階而一新宇內化大行也此大有之化
也然是有大有也果孰致之而其元亨也又孰保之乎蓋大
勢之所由一者非以其位之隆而以其德之隆也今大有
帝位與帝德並隆而畿甸要荒莫不稱臣稱貢而廓然其
大同古聖王能致大有之勢於方盛者此德之隆也彼君
臨天下者其不冒抑何恢遠也大化之所由行者非以其
勢之盛而以其德之盛也今大有宸斷與宸聰並運而禮
樂刑政罔不一張一弛而沛然其四達古聖王保大有之
化于不窮者此德之盛也彼統馭萬方者其致治抑何美

備也倚與休哉撫盈成之景運政令覃敷推之天下而無
外而礪山帶河罔非王朝之保障值熙皞之鴻休聲教四
訖擴之中外而無遺而越裳重譯莫不貢獻以并忱有之
致也與有之保也無一不本於德如此義文交發之其為
天下慶盛治歟抑為仁君立治本歟

生生之謂易

鍾大受

同考試官甌寧縣知縣彭永和閱薦

考試官戶部陝西清吏司主事范栻批 理境清空

考試官翰林院侍讀學士協辦內閣批本事務朱筠批 暢茂條達

陰陽之相生者易之所由名也夫易者言乎其變者也陰
陽相生而變化不窮不謂之易而何哉大傳明一陰一陽

之道若曰天地之間不過陰陽兩端而已易之為書亦不外陰陽兩端而已故自其迭運者而言則謂之道自其變化者而言則謂之易易之變化即陰陽迭運之道所在也而果何以見之哉彼夫氣之靜也為陰陰若止于靜矣然靜極復動是靜已寓動之幾也而陽於是乎生焉氣之動也為陽陽若止于動矣而動極復靜是動已合靜之理也而陰於是乎生焉已往者過而來者續其功非陰之生陽即陽之生陰一往一來如寒暑晝夜之相推相衍而生息之不匱也成功者退而進者動其機非陽之生陰即陰之生陽一退一進如四時日月之錯行代明而晦續之不窮也方其未生之時則剛柔者立本者也而易已寓乎其中矣及其已生之後則變通者趣時者也而易遂行乎其間矣陽生乎陰則其勢不得不以陰而易乎陽其來也若寄其去也吾不知其所之孰轉移是而一變一化卒交易無常如此也陰生乎陽則其勢又不得不以陽而易乎陰其往也若瞬其來也吾不知其終窮孰幹旋是而千變萬化卒互易無定如此也不謂之易而何哉吁此一陰一陽之道之所以為妙而觀道者稽焉

書

德日新萬邦惟懷

衷致密

同考試官歸化縣知縣郁正閣薦

考試官戶部陝西清吏司主事范棫批 有質有文

考試官翰林院侍讀學士協辦內閣批本事務朱筠批 氣味清醇

日新其德而遠者懷矣夫萬邦至遠也而惟德足以懷之湯亦日新焉可矣且以一人而撫六合之衆詎不樂億兆之依歸而惟納躬道義者有日進无疆之象則得收其效而不誣蓋深宮之密勿無息不與斯世相感通原不以遠邇異致而暨訖有所或阻也蓋嘗觀有夏之先撫綏有衆其所以文命敷於四海者豈非德之有可恃哉德爲吾性之所固有經綸宇宙胥恃此焉而不經砥礪則惟恐漸失其故而未有洗濯之光德爲吾躬之所能植淪浹輿情胥視此焉而未極緝熙則亦恐漸倦其情而未有光明之驗今夫萬邦之覘主德也殷矣爰革夏正四方共仰太平其謂聖天子能納躬軌物之中鼓舞不倦以錫我萬邦休我何以報之則惟有感深夙夜雖寤寐不能忘焉已矣若是

乎日新之不容已也果其執德不回而功之所進與晦明相移易而不衰惠迪厥德而象之所呈與日月相輝映而不掩此在爲天子者亦謂自切其聖敬之躋而不敢暇逸于宮廷之內夫豈有惟我常懷之念在其意中哉然而起視萬邦誠何如乎向之所願望而恐不獲者今且如其意以來有君如此何所求乎則雖海澨山陬而聞聲感慕有恨不見天子之儀容者蓋精神之嚮往有由矣向之所深仰而倖獲酬者今且過其情以償吾儕小人何多幸乎則雖海隅日出而聞風歎想有願常親天子之不冒者蓋性情之蘊結甚摯矣不然以自滿之志而高居萬邦之上未見其可也

斂時五福

衷致密

同考試官歸化縣知縣郁正閱薦

考試官戶部陝西清吏司主事范

栻批

氣度春容

考試官翰林院侍讀學士協辦內閣批本事務朱

鈞批

明白曉暢

五福之斂建極者所自為也夫五福未易斂而極者福之所聚也建極而胥斂不亦隆歟且天下有隆備之美而非其人則莫屬蓋視其人之自能聚之而非有過奢之效也有天下者體端於正大而隆備之美遂悉統而歸之蓋有不爽者焉建其有極固已然矣雖然極也者福之感也福也者極之應也深官樹標準之模則性天之所釀已備雖極天下至罕之遭一若投之所向胥覺其福自天申明堂端九州之範則彼蒼之為報匪輕雖極天下至難之事一

若畢集乃躬而見其膺受多福蓋五福也極建而斂矣稱物平施之未有爽也其福若吝惜焉而不妄加故或得其一二焉或得其二三焉亦且謂所享已豐而無多過望乃極建者自植其繁祉之基而有以相導則悉奉之一人者直若靳之無可靳也皇亦念不到此矣而其數加盈無或歉焉殆若全而受之也惠迪則吉之不可誣也其福若懸待焉而可自召然或不得其全而有限焉或即得其全而有限焉豈非以其遇甚隆而不能皆備乃建極者自篤其集慶之本而有以相招則統付之一身者直若損之無可損也皇亦安若固有矣而其理加順罔或違焉豈非分所應得乎是知世俗之徼福必原于感召之無由而茲之踵而有增者搽券於不道故接時而生初無所倖邀于冥漠

皇躬之集福猶自懼樹建之或疎而茲之端於在上者寬裕而有餘故俾爾多益恒覺其順受之無慚敷錫庶民而胥令其保極焉其建皇極者所宜汲汲哉

詩

嘒嘒草蟲趨趨阜螽

沙 儁

同考試官僊遊縣知縣任本仁閱薦

考試官戶部陝西清吏司主事范楫

紆徐為妍

考試官翰林院侍讀學士協辦內閣禁事務朱鏡

風華掩映

時物之變也獨居者觸而情深矣夫草蟲阜螽因時而變者也感時者及此情何深哉想其念行役而慨然曰天下之物本無情也然以無情之物入有情者之意中而倍難

為情故有聆其聲殊動人之聽觀其形亦感人之心則時之已變卽物態而可徵而謂獨居者果能忘情乎吾今不能不有感矣今天天地大生之功極蕃昌之族類鳥鳴則嘒嘒矣鷄鳴則喈喈矣微而至于草蟲其細已甚然四壁有聲如助予之歎息者嘒嘒偏可念也夫以征夫之駉駉也每懷靡及卽時移物換亦誰敢記憶以紛蘭書之心至我家人循階除而徙倚固不禁觸耳而驚其慮故雖以蟲鳴秋嘒嘒亦第率其氣化之常初何計懷人者之傾聽而念自醞酒言別以來曾日月之幾何而嘒嘒之響已盈于耳也予本幽人不勝掩抑而草蟲何復若鳴其嗚咽乎且夫天地廣生之德極變化于陰陽斯螽則動股矣莎鷄則振羽矣螽而猶是阜螽其形尤眇然躍然欲動如解人之

隱衷者趨趨正可觀也夫以四牡之駢駢也周道倭遲卽
楊柳雨雪亦且供低徊以深將母之諗况我家人覽四隅
而流連更不啻寓目而曲寫其忱故雖蠖飛蠕動趨趨亦
自感于氣類之異又何知有心者之眷顧而念自都門出
祖以來已物候之推遷而趨趨之形早接于目也我之懷
矣殊多鬱結而阜螽何又動以悽愴乎吁此所以念君子
而憂心冲冲也

貽我來牟

沙雋

同考試官僊遊縣知縣任本仁閱薦

考試官戶部陝西清吏司主事范棻

婉轉多姿

考試官翰林院侍讀學士協辦內閣批本事務朱蘊

吐屬清雋

念來牟所由貽而歎其德之遠也夫來牟嘉種也無以貽
之疇食其利乎詩曰貽我其感稷之德亦可見矣且天下
有一人開其端而萬世享其利者亦有一物作其始而萬
事統其成者此其明德誠不可以或湮也矧被之不啻躬
親而憶之不忍愬置者乎立我烝民莫匪爾極夫其立我
者其有以貽我者也洪水方去而降邱宅土疇奏艱鮮雖
狂獠未化亦有宜急爲謀者而稷不任官天下猶是未平
未成之世儆予甫安而熙績亮工莫先播穀雖嘉種頻仍
不無欣誕降者而稷未教稼後世焉知大麥小麥之名維
此來牟其貽我曷可忘諸來牟之得氣最厚百穀告成于
秋而來牟則儆載于秋蓋受天地四時之氣以給人生二
鬮之資也自稷貽之而種之母失其時熟之皆同其候不

至今共拜其惠哉來牟之有年獨先萬寶皆獲于冬而來牟則歛之于夏蓋當迄用康年之初而有將受厥明之賜也自稷貽之而于皇歌之親畚日至觀其獻麥不萬世永賴其功哉于是貽之謂獨為來牟貽乎抑不獨為來牟貽乎不獨為來牟貽有並貽我以無窮者然而此來牟也則已與黍稷稻粱共羨農夫之慶且僅以來牟見乎抑不僅以來牟見乎不僅以來牟見有適貽我以意外者然而此來牟也則並與禾麻種穆共稱我稼既同何也帝寶命以率育而陳常正賴有此也思文哉后乎

春秋

盟于甯母 僖公七年

張明三

同考試官邵武縣知縣沈之本閱薦

考試官戶部陝西清吏司主事范棫批

風格清挺

考試官翰林院侍讀學士協辦內閣批

筆力高渾

重講通貢之好所以尊王者至矣此衣裳之會八也盟甯毋以講通貢之好齊之志在尊王也如是且天威不遠顏咫尺凡天下之侯甸要服莫敢不來享來王以尊王室焉則其地之所應有其職之所宜供胥凜凜乎不可缺也若齊侯甯母之盟足嘉矣齊自衣裳歡會以來無日不以輔翼天王講信修睦為兢兢其始也會于北杏其再也會于鄆其三也復會鄆以示慎重四復盟幽以志同欲他若再盟幽以見得衆之盛會釋以明已協之迹至與王世子盟于首止重儲君也茲之盟于甯母盛舉凡八見矣齊之心

果何如耶論其時則秋七月也論其同心來會者則公與宋公陳世子欵鄭世子華是也所盟何事則通貢是也就國之大小量所出之物以上貢天子尊王也夫周天王在上諸侯各宜奉命不腆微物達之天家不特臣子分所應爾亦其愛戴之深心所不容自已者也况包茅不入齊猶責之以大義凡我諸友邦皆伯叔甥舅也與周王更屬親愛每歲未獲時覲天顏聊藉此區區本有之土物與我后之聲靈相感通固諸友邦所心悅誠服而踴躍從事者申其命而不厭其煩諒亦眾所樂聞斯語矣是以共襄盛事確切著明量大小以示通情不必強之以所無也而甯毋之地以傳盟甯毋之大義以著

春晉侯使韓起來聘 昭公二年

張明三

同考試官邵武縣知縣沈之本閱薦

考試官戶部陝西清吏司主事范栻批

好整以暇

考試官翰林院侍讀學士協辦內閣批本事務朱筠批

詞意爽豁

脩禮者有觀禮之明聘有足誌焉蓋晉使韓起來聘得成聘禮焉幸矣乃有觀禮之明其聘不有足誌乎從來有引伸觸類之機者能隨時會悟而見其深蓋一覽而通徹無遺遂不禁嘆賞之則其人自有得之意中味乎言外者勿謂一聘問弗關大體也試徵之韓起來聘之時韓起之聘晉侯使之也春而往奉命成禮而還得無貽寡君羞焉幸矣外此無足異也茲則以其觀禮而異之蓋其觀書于太史氏也見有易象春秋焉遂別有會心而嘆周禮之盡在

魯誠有所得力而發斯嘆也夫讀書論古分其類而別其文不敢混也此則祇見易象矣祇見春秋矣而概以周禮稱之母乃所言不符其所見乎而韓起則確有所見也以一心之敬與聖賢之微意相流通所寓目者在是所會心不泥乎是也所會心不泥乎是所感慨隨在皆是也夫是以見乎易象凡一爻一畫恍然悟三千三百之微見乎春秋凡一貶一褒悠然想為曲為經之要非平日留心考訂不能有如是之精非寸心謹慎自持不能有如斯之合也起誠賢矣大抵文武之道未墜于地宗邦秉禮尚有古風而且魯多君子賴以維持調護扶典章于不廢焉他若季札聘而觀六代之樂魯之所備者不僅周禮而周禮已有其明徵矣斯時也隣邦使者禮有燕享之儀觀其賦角弓

甘棠諸詩特其餘能也

禮記

乃勸種麥母或失時

胡紹嶧

同考試官平和縣知縣陸惇宗閱薦

考試官戶部陝西清吏司主事范棫批

選詞清華

考試官翰林院侍讀學士協辦內閣批本事務朱筠批

淵懿爾雅

種麥之貴乘時也聖王之勸民勤矣夫麥者天之所以率育也勸之種而母失時此仲秋所以有事歟且王者乘天之時以盡地之利所以為粒食計者無乎不周矣顧百穀皆足養人而來牟為最百畝總無緩事而播種為先作苦之餘而猶兢兢勸相者凡欲吾民之豫為乘時焉耳時維

仲秋民勞久矣或者汔可小康乎而先王曰未也上帝之降康也不惜豐錫嘉禾以育我黎庶故雖秬秠糜芑不一其種而明昭所賜無非天道地寶之施聖王之愛民也深知稼穡艱難而無可逸豫故雖方苞穎粟屢慶豐年而時夏陳常必無遺爾界此疆之利蓋有麥焉享之在瓜生菜秀之時而種之在露白風清之候時之毋容或失也夫人知之矣顧先王于此必申勸之之令者何也小民可與樂成難于圖始種者麥之始事也方其擊橐除田渺不見厥明將受則歷三時之况瘁而貪憇息于崇朝者情也然獨不曰時不可失乎夫幪幪誌喜必肇于覆種之初豈可以今日之偷安致異時書無麥耶勸之而慰勞之中默存董戒要使與三日四日同其于耜舉趾之勞而已矣小民雖習勤劬每求速効種麥又効之最遲者也當夫萬寶初成方自恃地無餘利况隔歲預謀始事將計期謂可暫寬者亦情也然獨不曰時弗再來乎夫茫茫行野豈其償鹵莽之功倘令奉種之不先安在日至時皆熟也勸之而收穫之餘亟其始播務使與築場納稼同深日月其除之想而已矣是故前乎此者爲麥所實大君親薦其馨香誠念其種之之勤恒願九穗兩岐綠疇咸慶黃雲之遍後乎此者序屆麥秋士女奄觀夫銍艾藉非此種之之早奚有車盈篝滿蔀屋同分嘗藪之甘此種麥之勸月令所以必詳之也

持弓矢審固然後可以言中此可以觀德行矣

胡紹嶧

同考試官平和縣知縣陸惇宗閱薦

考試官戶部陝西清吏司主事范棻批

華實金茂

考試官翰林院侍讀學士協辦內閣批本事務朱筠批

典雅名貴

命中有由德行因以著矣蓋中非易也惟審固然後可以言中德行不于此可觀乎先王所以重射義也今將謂爭能角技之地無與身心之學者非探本之論也夫其所以收效者有由則其所以成能者有本藝事也而學問存焉古聖人所以必兢兢慎重其事也射者之審固必由志正體直則試從能審固思之習揖讓以周旋搢三挾一尚無榮辱之分則序賓以賢固未知一矢相遺孰擅奇純之算同衆耦而升堂宿懸既設將區勝負之形則參連刻注繫惟是發彼有的獨裕爾爵之祈蓋持弓矢審固然後可以言中矣中以合乎節者爲甚神故左射狸首右射騶虞此際蓋巧力兼焉者也當夫大侯既抗安敢以命中自矜乃養之既純而中存有主則心手相應之餘其失諸正鵠者蓋已寡矣中以比于樂者爲獨妙故聽采蘋者樂會時聽采繁者樂循職此際蓋神志凝焉者也當夫決拾既安敢以必勝自期乃嫻之既熟而操持有要則手目相符之際其舍矢如破也有由來矣而謂不可以觀其德行乎夫人不易知以素養之精純祇于射時徵其底蘊則其觀之也似淺然而非淺也射不足以盡其德而德卽可以徵諸射終日無出正之誚其由審而中也卽其由正而中也夫豈襲取爲哉知人亦不易以方剛之膂力止于一射露其端倪則觀之也似迹然而非迹也射不足以概其行而行

已可以驗諸射四鍬有如樹之能其由固而中也卽其由直而中也夫豈倖致也哉射義洵足重矣
詩

賦得橘柚垂華實得知字五言八韻

沙儁

同考試官僊遊縣知縣任本仁閱薦

考試官戶部陝西清吏司主事范棡批 含英咀華

考試官翰林院侍讀學士協辦內閣批事務朱筠批 大雅不羣

南國有嘉實長林橘柚垂黃圓擎宿靄紅滿墜
晨曦飽沃煙霞氣濃沾雨露滋餘清分諫果遙
翠倚傾葵光奪楓丹早寒凝桐碧遲包隨三品
貢春共萬年枝

紫極承

恩近朱盤薦瑞奇相將來

壽域名達

九重知

第叁場

策

第一問

洪世儁

同考試官連江縣知縣周輔閱薦

考試官戶部陝西清吏司主事范棡批 條對簡淨

考試官翰林院侍讀學士協辦內閣批事務朱筠批 典核精詳

古未有經也經之名其仿於戴記之經解名篇

乎古未有傳也傳之名其始於曾子之傳大學乎自尼山闡明而經學以著厄於秦火漢祖龍興除挾書之律獻王得周禮於民間魯恭得古文尙書於孔壁劉氏父子前後相繼校著七畧藝文志所載諸經班班可考也漢重經學其隸學宮者必令諸博士辨難於石渠虎觀之中施孟梁邱京房之於易歐陽大小夏侯之於書轅固生申培韓嬰之於詩公谷鄒夾之於春秋雖有不純不備之憾然淵源亦自深遠夫經本同歸傳述異其趨嚮學有盛衰門戶開其派別易分三家而費直之傳至京房流爲術數伏生口授今文尙書於晁錯安國更古文以隸古定傳

之子孫子夏授詩於曾申數傳而毛萇承其學高堂生之注周禮后蒼之記曲臺大小戴之注禮記郁平文哉禮意燦然已左氏晚出本自張蒼嗣後劉歆移讓太常博士而終不得立於西漢樂經遭焚微竇公樂記之獻雅音廢缺矣顏芝詳校孝經授其子貞厥功亦復不少莊子所謂孔子治六經詩書易禮樂春秋是已謂孔子繙十二經則不詳其目至唐而易書詩春秋與禮爲五三經三傳三禮爲九益以孝經論語孟子爾雅而十三經之名以定漢唐諸儒爬疏剔抉其純粹者八矩其舛駁者出規惟鄭康成根柢盤深著述最富於經猶最明惜賈孔諸公不

能兼收並採使後人得覩其大全孔之正義惟取其毛詩禮記賈之義疏惟取其儀禮周禮而已其餘散見於注家所引若易於書往往標新領異發揮聖蘊高出漢孔王弼之外偏見之士且譏其時雜識緯欲擯之不列兩廡之下可謂責人已甚矣前代以制義設科概遵朱子而易參本義春秋用胡傳並取左氏三家誠博通之教也厥後漸失古意始專以朱胡為的不知本義意在復古元之董氏始以傳義彙合成書坊本相沿遂失朱旨明初作大全者因之已而並刊去程傳所謂本義者豈本義耶安國意在進講故多比屬南宋時事是宜復循舊規易用朱

子原本春秋於胡傳外並列三傳博證諸家則歸至當已夫學無常師王善為師善無常主協於克一使斤斤奉一先生之訓則入主出奴是何休范甯杜預而外無三傳之學也趙岐郭璞蔡沉陳澔而後無書禮孟子爾雅之訓也誠於十三經注疏博收而約會之將見有以紹經學之體於以仰承

聖天子尊經之至意矣

第二問

洪世儁

同考試官連江縣知縣周輔閔薦

考試官戶部陝西清吏司主事范棻批

敷詞詳晰

考試官翰林院侍讀學士協辦內閣批奉事務朱筠批 博大光昌

自一畫肇開而人文以興虞夏之文渾渾商周
之文噩噩夔乎尙已周末文敝莊列國策諸書
縱橫詭譎道氣日漓漢秦高古樸渾極爲典貴
迄東漢而駢四儷六以興沿六朝而大潰極矣
乃

執事以文體分合爲問夫變而日新者勢也往而
必返者情也原夫椎輪爲大輅之始大輅豈有
椎輪之質堅冰爲積水所成堅冰仍還積水之
體西漢當方盛之時司馬之豪宕相如之典貴
更生子雲之經術彬彬郁郁而鄒枚王褒雅麗
芊眠東漢後博瞻整理則有班孟堅詳明豔雅

則有陸士衡習鑿齒高才昇兀嵇叔夜王右軍
天機清利謂非散行之極作耶推原厥始未嘗
不合而華縟日增遂變其本全賴有志之士爲
之彌縫此昌黎起八代之衰所以獨步千古也
夫莫爲之前雖美弗彰莫爲之後雖盛不傳考
公之先則陳子昂李白權德輿李翰開其根原
其徒則有張籍李翱皇甫湜李漢暢其派別一
時同學之英後起之彥不乏其人柳宗元其與
公並驅中原者乎次則以孫樵杜牧爲翹楚若
劉蛻之奇激李義山之清麗劉禹錫之酣熟亦
學焉而有得者崔斯立李觀楊敬之獨孤及輩
瞠乎後已而樊紹述之絳州園池記佶屈聱牙

文公稱其爲文從字順亦獨何哉自柳開習古
文於北宋穆修蘇舜欽相與共明此道永叔得
昌黎文於敗麓中心摹手追而文名日盛每一
文出尹師魯卽爲之伸紙疾讀焉蘇長公才學
蓋世文如萬斛泉源隨地湧出而又有貢父兄
弟文潛山谷爲之翼經術如泰伯精能如王回
亦北宋之領袖也天運以漸而開文運以漸而
盛至於朱子始集斯文之大全若葉水心陳同
甫之激昂慷慨蓋朱子所傾倒也渭南浮溪紀
述有法益公鶴山訓詞可師而讀晞髮之集吟
慟哭之記者其不生竹石俱碎之思歟遼金之
世異才間出范陽遺山文獻在焉迄乎有元而

松雪之淳雅鉅夫之深密與夫伯生彥碩草廬
淵穎之流或以漢庭老吏擅名或以河朔健兒
標格或闡道妙或推文宗洵極盛已有明開山
首指潛溪方正學氣節文章遠邁千古歸震川
當王李唱先秦之時一意步趨廬陵毅然自信
而義烏王禘晉江王慎中與三君有同道弇州
初師北地久而自傷其異趨也晚已

國朝文教光明侯朝宗以英年擅文名惜未見其
止叔子爲三魏白眉表狀傳志全法史公然用法
而未能化法鈍翁精純和雅寄至味於淡泊其
其三家之冠乎竹垞亭林穿穴羣書無幽不燭
論其文體未較爾雅姜西溟博奧深馴擬明史

刑志淋漓感激足增神智方望溪洗煉至精
規模未濶其餘俊杰之士不可一二數也敬以
愚見對

第三問

洪世儁

同考試官連江縣知縣周輔閣薦

考試官戶部陝西清吏司主事范棫批 學識淹通

考試官翰林院侍讀學士協辦內閣掣事務朱筠批 典切精確

伏羲觀圖畫象文字生焉是文固圖之所自出
也禹鼎湯盤圖書並載後世以制器尚象謂之
圖察民易書謂之書高祖入關文終首收圖籍
令吏人皆讀急就凡將去古未遠猶知所留意

耳夫圖書之學原於道德雖屬藝事之末而精
而研之制度可同形體可得古今以來鼎彝碑
版照耀千秋而五鳳之字可以變篆武承之石
於以具圖文翁繪像於蜀中伯喈圖經於鴻都
博古之士摩挲石搨心摹手追流連不置固不
因說文有書鼎錄有繪而漫意視之也夫聽遠
音者聞其疾而不聞其徐望遠人者察其貌而
不察其形一人之書不勝異說一篇之傳不勝
異圖居今之世而欲因器考名因藝徵事舍圖
書曷以哉誠使好古者究心金石之學按其儀
制尺寸與夫碑誌紀述而參稽有資昔阮咸譏
荀勗之樂後得古尺按之而驗朱彝尊於大同

諸斷碣稽其涖官施政於以改正五代史文之
訛夫豈無見而漫然也聶氏之三禮圖陳氏之
禮書圖楊氏之儀禮圖考核最精足與禮意相
發明的爲諸圖之冠若劉績之三禮圖雖牴牾
間有難免通人之譏亦博通之至矣呂大臨黃
長睿之所圖如過世家觀其陳列集古錄失之
太簡趙明誠繼之搜羅亦未全備洪氏述之隸
釋隸續間有發明然混隸書於八分之門則其
失甚矣馬貴與於衛包定尚書以今文改古文
之下注曰漢時古文蝌蚪也今文隸書也唐時
古文隸書也今文卽世間所用之字也則隸書
之外宜另標楷書一門明矣都穆之金薤琳琅
趙氏之石墨鐫華辨別至當至顧炎武朱彝尊
而精鑿入毫髮矣生足跡未遍天下然思靈仙
之圖過武夷而徘徊不去尋陽水之篆仰烏石
而披覽荆榛玩古之念未之或忘也謹因
執事之問而陳之

第四問

洪世儁

同考試官連江縣知縣周輔閱薦

考試官戶部陝西清吏司主事范棻批

剴切不浮

考試官翰林院侍讀學士協辦內閣批本事務朱筠批

詮疏明確

伏處而裕匡時之才動念而有起衰之效者惟
士爲能蓋士爲四民之首得其智而天下遂無

智得其能而天下遂無能苟作之有方則士習端而民志一矣閩地遠中州漢魏未通中國自薛令之開科林藻歐陽行周繼之而文風漸芽兩宋大盛三山陳季慈陳古靈四先生相與倡道西關譙樓所書海濱鄒魯良不誣也蔡氏九儒金華四先生與夫胡氏之一家五儒先儒淵源所漸嶺以南北無間焉諸生承淳樸之俗儒先之化無聲色狗馬之好尚氣輕生之習循循禮讓望而知其爲黌宮弟子也蓋

國家之深仁厚義優柔百餘年矣昔吾有先正其人良且貞李文貞以經術飾吏治蔡文勤寓經濟於文章方其未出草廬蔚爲公輔之望一時薰其德而善良者詎止數千人諸士而以李蔡自期何患悍民之未去而習俗之不革歟夫周禮以三物教萬民所重賓興管子以四鄉作內政亦言成教蓋士與民暱處士自重則民知愛身士竭事則民知尊上士而相習以禮讓相明以禁令則民不虓而不悽矣不然而後司牧者驅之以刑法移之以井疆毋使並育於光天之下焉可謹以管見對

第五問

洪世儁

同考試官連江縣知縣周輔閣薦

考試官戶部陝西清吏司主事范棫批 瞭如指掌

考試官翰林院侍讀學士協辦內閣批本事務朱筠批

明晰宣暢

蓋地理爲學古之實而風土必詳其人福建疆土天星值牛女之分而禹貢則屬諸揚州矣周禮則爲七閩矣無諸啓宇托始猶有傳之者六朝分合沿革載在福建通志者可考而知也唐初屬江南道至宋置福建路始有福建之名元爲福建行中書省明爲福建等處承宣布政使司我

朝因之臺灣以外盡入版圖固已環島嶼之民莫不蒸蒸然沐浴而向風矣然而溫處衢信爲閩之北藩建昌南贛爲閩之右臂惠潮則閩之西門大海則閩之東戶峻嶺則險在仙霞重洋則

汎通南溟其所繫尤爲重大也藉非思患而預防之何以保無寇盜之發與奸宄之存乎若山川之勝靈秀翕聚志乘所紀照耀古今其在福州則城中三山龍聳其角城外旗鼓鵬障其身矣其在興化則木蘭有岐浩浩乎蕩蕩乎藉以溉田畝焉其在泉州則洛陽有橋猶見蔡端明之遺愛焉其在漳州則萬松關青蒼蔚起柳營江檣舵交集而延平之玉華洞天闢靈奇劍津人懷神物建寧之梅仙山延平之黥淡灘邵武之金鏡汀州之九龍可約舉其一二非但武夷見於漢志梁山附於爾雅大姥紀於開元已也建江之名雖殊而其實則一合流之溪雖異而

其歸則全觀海者溯流而窮源登山者陟遐而自邇於以察土俗焉於以驗民情焉非徒登高作賦覽物知名已也若讀書啓古而川越絕之書兩粵之傳與輿地名勝諸志滙爲一家言燦然具備豈非閩地一大觀也哉夫福建一省爲東南之輿區也輿地一志備險阨之勝槩也因要區而留意於積貯之大務因勝概而博訪乎名賢之著述則地利與人和兩合而不兩離矣

福建鄉試錄後序

皇上恩命旣開庚寅鄉試
恩科

命翰林院侍讀學士

臣朱筠典試閩省而以臣 棫副

之伏念

臣浙西寒陋由進士引

見分發戶部實授陝西司主事特荷殊恩重膺茲

命悚惕感激莫可名言馳驛抵閩屆期入院與正考

官

臣朱筠率同考知縣諸臣恪恭祇慎周閱無

遺得士凡八十有五人次錄其文二十首恭呈

睿覽

臣竊颺言簡末臣惟福建之地星居南斗方職

七閩漢唐以來人文洵盛迄乎宋元諸儒輩出

號稱東南文物之藪

國家重熙累洽丕冒海隅臺灣以南盡膺冠帶編

於士額同舉禮闈我

皇上文治覃敷遐邇光被喁喁向風矧在江浙所比

聲教先及者乎臣奉

命將事悉閱試文不獨制義各就繩尺而詩律諧協

十得六七有漸摩

聖人之化於數年之間者何其盛也臣伏念言者心

之聲也行者言之從也天下有言之而不副其

所行者未有言之而不可以灼知其心者也臣

用是於披閱之餘仰承

聖訓孔孟之言所以難言聖賢之志所以當志而即

其所言以觀其所志其輕滑者知其不可信也

其空疎者知其無可據也其龐雜而支離者知

其心術之或未端也其浮靡而冗散者知其學

力之或未實也凡此姑從置之而必求其合於

經傳饜於情理其心思足以發其所見其文詞

足以輔其所宜者而後取之以為庶幾於

聖訓有當乎一二也臣 祇與臣 朱筠 殫智竭愚搜羅

二十餘日夜得士如額私心自度安能必其錙

銖之不爽尺寸之無踰而竊欲因文以卜他日

之才之或可致用以仰副我

皇上壽考作人之盛治是則古稱拜自獻其身又云

取士必得而斤斤未敢自信者歟


戶部陝西司主事 臣范梈謹序

卷之五

七

雜言錄

二十餘日
卷之五



程